



Kurt Burgelman

## Zelve moete doen

Zuu de keunink panikere oas 't aa rekeninge kraagt  
Gelaak zijn onderdoane baa wie da 't faillissement draagt  
Zoet aa een diel van zaan dotoases die 't aa onvermindert vangt  
Wille diele mee de mense in zijn land

An den boas van guul Europa, èw premier Charles Michel  
Mensen goan hier zwarte snieuw zien, Charles, weete gaa da wel  
Excuseer maa dakke 't vroage, moar w'em' û nog nie g'huurd  
W' em' û nuudig moar ge zwaag gelaak vermuurd

**'t es aan û, tuugt ûw goe fatsoen  
binst da de mensen in klinieke het onmeugelaake doen  
woar zitten nû, of zaad' al mee pensioen?  
Goame 't were zelve moete doen?**

Zoe de keunink an ons paaze, oas 't aa rondluupt in 't palaas  
Op dedie die klaane weune veur ne veel t' huuge praas  
Zoet aa echt mee ons inzitte, zoet aa echt echt een herte èn  
Wel da 't aa tons veur iene kier bewaast

**'t es aan û, tuugt ûw goe fatsoen  
binst da de mensen in klinieke het onmeugelaake doen  
woar zitten nû, of zaad' al mee pensioen?  
Goame 't were zelve moete doen?**

Zuu de keunink zitte paaze, ik è al genoeg gedoan  
'k è gesproken op tv en z' en maan Vloams toch goe verstoan  
Zoet aa paaze 't es aan maa nû, ik betoale deze kier  
Of betrèwe'me vanaf nû op hem nemier

**'t es aan û, tuugt ûw goe fatsoen  
binst da de mensen in klinieke het onmeugelaake doen  
woar zitten nû, of zaad' al mee pensioen?  
Goame 't were zelve moete doen?**